

CICIKOANBADIEGU

GUFENEMA MASOAGINDO

BULICINA FASO

Ti baa dógú pò, li yaa dani kúuma, ti baa paadi

**BÀALÓ KOANBÁLA TÁÁNLI
JAGA DOAGIDIMA**

(PP-G N°032-2025)

Pengidiwende Silibeedi WEDIRAWOGO

Wagidugu, li binli 2025 cipiiga dana 30

Báalo Koanbála táánli den kali Wagidugu
nani ban maani ki tiedi mààma dana lele kúli,
li binli 2025, cipiiga dana 30, alaamuda daali
ki cili leeru 9 yogunu ki ban gbeni leeru 12 leni miniti 37,
Kapitenni Ibirayimi TARAWORE, yua n tie ti Diema Yudanciamo
leni a Koanbála Táánli Liigiyua n den gobidi laa táánli.

A Koanbála Táánli den noanli li daali mayula nni
ki tàà a jaga, ki puni i làabáali,
ki dini bi niba a bála li tuonli pò,
ki puni u sanu bi niba n gedi dietoama nni ti Diema yeli pò.

I. A JAGA

Tinunga **3** tinunmu **16** siiga

I.1. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA

A Koanbála táanli kpaagi **ban den bogini yaa báli máama** pò ki lebidi yaa báli máama ke bi den taa li binli 2004, piiga n cilie, dana 21 ke mi lanba tie 55-2004/AN ki waani ban ñani kominninba pò yaa báli máama Bulicina Faso nni.

Laa báli máama lebidima bua ki pegidi yaala n den tie poadi ki pangi kominninba cenli ñamu, ke li yegi leni ban yuandi ki bili màama mi yanduanma leni mi findima tuona kpajataali nni yaali n tie « ki pugini Bàaló paalu bi niba yema ñamu gobidima pò. »

Li boncanla yaala n tugi yùli ban bogini yaa báli máama yenì nni li tianla tie :

- ki teni Bàaló saliwudidiedi liigiyaaba n moandi ki pugini kominninba leni ti tuonsoandiedi taajuogu a tuona soanma nni lan teni Bàaló paalu n pugini;
- ki ñii dogu kuli n baa fidi ki kuani yaa ligi pò yo n teni laa dogu n lebidi ki tua kominni;
- ki gagidi kominninba pò caga taa (03) : a kominnibila, a kominniciama leni a kominninciama yaa n gagidi ki yaba ki cie ;
- ki tieni Bàaló leni kominniba kuli liigiyua n táani ki lingi yaala ñiima;
- ki guani ki diidi Bàaló n piandi yaa tuona kominninba ;
- ki teni yaa kominninciama n gagidi ki yabi ki cie n pia yaa kominnicagabila (arondisemanba) n yaa die a yula ;
- ki wadi kominninba caga liigiyaaba leni desiyonba caga liigiyaaba ;
- ki waani ban gandi yua kominnini gobidima pò tuonli n tie yaali lan teni ban fidi ki yaa gobidi kominninba leni desiyonba caga liigiyaaba tuona.

Ban bogini yaa báli máama yenì baa teni kominninba báli máama paalu n pugini, Bulicina Faso kominniba gobidiñanma pò.

A Koanbála táanli tuo ke ban bogini yaa báli máama yení n pundi Depiteenba tuonsoankaanu kani.

I.2. YAA KOANBADIEGU N DIIDI TI DIEMA LOAGU LENI I LIGI

A Koanbála táanli táa **tiwaankaali** ke li tuugi leni a diegbenga maama tuona.

A diegbenga maama tuona tie Bàaló n baa maa yaa diegbengitaada (03) ke yenli tie dietuatuada luoba leni diecaga kaani lie (02) Wagidigu dogu nni saliwudi tuona pò ki pugini leni yaa dieli ke Bàaló bàá yàa páa li ligi Tannunyan desiyon nni yaa koanbadiegu n diidi mi gaanilindima, mi ñima leni i yianbonfuodi bolinma tuona pò.

Laa tuona baa teni Bàaló saliwudidiedi n pugini ki go wadi Bàaló tugili a diena ligi pama pò lan teni Bàaló tuonsoanba tuona n yaa fáali.

Laa tiwaankaali táama baa teni ban báa ki soani laa tuona Bàaló saliwudo tuonsoandiedi pò.

I.3. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA

A Koanbála táanli táa yaa **masienkaama tili** n tuugi leni Bàaló leni Bulicina Faso tisoankaana tuonsoandiedi n den táani ki ñii yaa madaginkaama siedi tili.

Nani Bulicina Faso nni Bàaló n tie li moandili màama yaala n tie ti saliwudidiedi tuona boginma diani kuanma a masina nni leni enterineti nni, Gufenema táa a jaga ki baa teni a tisoankaana tuonsoandiedi yaadi n mali ki pia a tila dianma a masina nni banma n suagi leni laa tuona lan teni bi niba n fidi ki yaa báadi a tila tienma leni a masina leni yaa dunga n mani. Li yaapo, a tisoankaana tuonsoandiepandi leni yaadi n bi mali ki ye kuli bàá lebidi ki tua bi domáatieba diedi ban yi yaadi mi sanma mábuolu nni « **Sama Cè** ».

Ki pugini a tisoankaana leni i ligi tuona, « Sama Cè » tuonsoandiedi nni go baa yaa pia tuontoana boncianla bi niba pò leni yaa kaani ke bi gobidi ki wangi bi niba saliwudi tuona yaa n baa yàa yegi leni a masina banpanma ke li naa go tie tigbana.

Ki tuugi leni Báaló leni Bulicina Faso tisoankaana tuonsoandiedi n táani ki ñii yaa madaginkaama siedi tili li binli 2026 ki yaa ca hali li binli 2030, Bàaló leni a tisoankaana tuonsoandiedi tuo ki baa táani ki ñani i ligi ki maa « **Sama Cè** » tuonsoandiedi 20 ki go kuani ti niini yaa tiadi n bua kuli ke li ligi pundi **miliyaadi bonbimuu leni miliyon kobimuu n piina n bilele n tuda kobiga n tudili n kobinaa (5 547 101 400) Seefa ligi nni.**

Laa masienkaama tili táama baa todi Bàaló leni a tisoankaana tuonsoandiedi n táani ki ñii yaa madaginkaama siedi tili n bili yaala n báá ki soani lan teni a tisoankaana tuonsoandiedi tuona n jaligi ki findi mi diema tingbanu kuli nni.

II. I LÀABÁALITENKE

II.1. Yaa koanbáli n diidi ti diema loagu leni i ligi waani a koanbála táanli u baadogu buama todima ligi kubili n nɔadi màama li binli 2025 nɔmayialo yogunu.

Li binli 2025 o nɔmayialo yogunu, yaa ligi n táani ciyia dana 30 yogu fii **miliyaadi piinaa n miliyon kobinii n piitaa n kobiga n piiyia n tuda muu n kobilie n piimuu leni falini bonbitaa (40 830 195 250,3) seefa ligi.** Lani n tie ke yaa ligi n kua pugini yaala n pundi 40,12% li ya tie ke ti boagini leni yaa ligi n den kua li binli 2025 ciluoba dana 30 yogu. Laa ligi nni a bancana ligi pundi 42,75% laa yogu nni.

Li binli 2025 cilè dan 1 ki pundi ciyia dana 30 yogu, yaa ligi kuli n táani tie **miliyaadi bonbikobiga n piinaa n bilie n miliyon kobiluoba n bitaa n kobiga n tuda muu n kobinii n piinii n kuumu taa leni falini bonbitaa (142 603 105 883,3) seefa ligi.** Laa ligi pundi 95,07 % yaa ligi ke bi den bili ke bi baa táani li binli nni lan tie **miliyaadi bonbikobiga n piimuu (150 000 000 000) seefa ligi.**

Yaala n tie i ligiñake kani, li binli 2025 ciyia dana 30 yogu, yaa ligi n ñani ciyia dana 30 yogu fii **miliyaadi kobiga n piiyia bonbiyia n miliyon kobiga n piilie n bonbilie n kobiga n tuda piinaa n kobyia n piitaa n kuumu yia (199 124 140 939) seefa ligi.** Bi ya boagini leni ban den bili ke bi baa ñani yaa ligi li binli 2025 cilè ki gedi ciyia yogu, li bua ki pundi **miliyaadi kobilie n bonbilie n miliyon piinaa n bonbinaa n kobiga n tuda taa n kobyia n piilie n kuumu luoba leni falini bonbilie (202 044 103 926,2) seefa ligi.** Laa ligi tie yaa ligi n baa ña 98,55%.

Li tuonjaali cenli nɔamu leni a tuongbenga soanma ligi n táani ki tie i ligiñake.

II.2. Yaa koanbáli n die ti diema leni dietoama siiga tuginma, ti diema leni i niboandogi juogu leni ti diema niba yaaba n ye dietoama nni máama waani a koanbála taanli Bulicina Faso kalima yaa taanli ke o kuuranciamo (enerisi atomiki) tuonjaali li ɲandunli nni den bogini li binli 2025 ciyia dana 15 ki gedi 19 Vienni dogu nni lan tie Otirisi diema n cuoni màama.

Bulicina tonda den tiadi ki waani bi taantieba ti diema n soani yaa tuonli Gufeneelinba cagili nni li binli 2023-2025 yogu o kuuranciamo leni mi yanduama leni mi findima tuona gbanmanu puginma po. Yaala n pugidi tie ke ti diema go waani ke mi bua ki ɲoadi yaa sanbili n ɲani ki baa ki soani man bili ke mi baa soani yaa tuona o kuuranciamo po.

Bulicina Faso kalima o kuuranciamo (enerisi atomiki) tuonjaali li ɲandunli nni taanli mi taabuama 69 todi ke ti waani ti tuginma leni laa tuonjaali nunlema.

II.3. Yaa koanbáli n diidi mi tagima tuonsoandiedi, u kpendu leni u nuu tuonsoanbanma tuona puni làabáali a koanbála taanli Bulicina Faso kalima yaa taanli n den tieni ki tuugi leni Bulicina tiakuadikaadi Sinni diema nni n den cuoni màama. Laa táanli den tieni li binli 2025 ciyia dana 11 ki gedi 24 Sangisu dogu nni lan tie Sinni diema.

Laa táanli n den lingi yaala tie ki pugini bi taantieba banma ti tiakuadikaadi diidima leni yaadi n kaa ɲani paanidenma tuona nni, ki nan go baa Sinni mo yaa banma laa tuonbuolu nni. Li táanli yeni go todi ke Bulicina taantieba baa mi bangima waamu yaala n tie tin ca ki daa bi ki kuadi yaa tiadi Sinni nni diidima po, ki go bangi ba ban baa soani leni laa tuonli tuonsoantiacandi màama lan tie bu kpaabu leni li bonjekaala tuonsoantiadi.

Li taanli yeni yogunu, Bulicina taantieba den báa mi bangima li guunli leni li bonjekaala fuuli nni ke lan todi bi niba n yaa baadi yaa bonjekaala n ɲani ki nan

go teni ban maa yaa diena n baa todi yaa bonjekaala ke bi dǎa ki kuandi ti diema
nni goandima leni li diidima.

III. BAN DINI YAABA A BÁLA

III.1. BAN DINI YAABA A BÁLA NIYENDO YENDO TUONLI NNI

A. BULICINA FASO YUDANCIAMO BADIDIEGU KANI

- Hamidu **SAWADOGO**, joa, o lanba li tuonli nni tie **119 739 F**, o tie iniverisite cogicanbaa u loagu kubima cogu nni, bi dini o li báli ke o tua Bulicina Faso tuonsoanjaaciama tuonsoandiegu (biilociamo) Liigiyua

B. YAA KOANBADIEGU N DIIDI TI DIEMA LOAGU LENI I LIGI KUBIMA KANI

- Wesemu Emé **ADUWABU**, joa, o lanba li tuonli nni tie **216 186 D**, o tie li lubili tuona goandikoa, bi dini o li báli ke o tua li lubili tuona tundikoa yaa tuonsoandiegu n diidi ti biadi ŋamu ti diema tinbuona gobidima leni a sancena tuona koanbadiegu (SESEVEYA) kani;
- Abubakali **SAWADOGO**, joa, o lanba li tuonli nni tie **119 330 X**, o tie Bàaló ligi tuonsoandiedi gobidikoa, bi dini o li báli ke o tua mi diema nni mi findima tuona Tidianciamo.
- Hanma **BANSE**, joa, o lanba li tuonli nni tie **56 728 M**, o tie li lubili tuona goandikoa, bi dini o li báli ke o tua sentidi 1 (DEME S1) tuonsoanjaa-dadagida tuona Liigiyua ;
- **SUNGIRANA** pua Seneviève **DAMIBA**, o lanba li tuonli nni tie **43 144 P**, o tie li lubili tuona goandikoa, bi dini o li báli ke o tua li lubili tuona goandima Liigiyua;
- Inosan **KANBU**, o lanba li tuonli nni tie **55 703 W**, o tie li lubili tuona goandikoa, bi dini o li báli ke o tua Yaga porovenso lubigaali tuona Liigiyua ;

C. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA KANI

- Palengewendé Rosi **KONONBO**, joa, o lanba li tuonli nni tie **105 149 E**, o tie Bàaló tondo i dolami nni, bi dini o li báli ke o tua, ti diema niba yaaba n ye Kotonu, Benen diema nni tila tienma tuonsoadiegu Liigiyua ;

D. YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJAANA KANI

- Basiru **NIÑAN**, joa, o lanba li tuonli nni tie **130 293 U**, o tie Bujialo, bi dini o li báli ke o tua li koanbáli todikoa ;
- Romiali Marisenli Naréliwendé **YAMEWOGO**, joa, o lanba li tuonli nni tie **130 390 A**, o tie Bujialo, bi dini o li báli ke o tua li koanbáli todikoa ;
- Usimani **BIRIBA**, joa, o lanba li tuonli nni tie **130 301 K**, o tie Bujialo, bi dini o li báli ke o tua li koanbáli todikoa ;
- Wende Wawoga Hadé Jonasi **SEGEDA**, joa, o lanba li tuonli nn tie **45 062 Y**, o tie u cogu saliwuudi diedi ligi leni li tiadi kubiló, bi dini o li báli ke o tua mi diema nni o nisaalo n naaninni ki báa yaala cagili ligi leni li tiadi kubima Liigiyua ;

E. LI LAAFIALI KOANBADIEGU KANI

- Bamorifeni **JANI**, joa, o lanba li tuonli nni tie **111 329 U**, o tie u loagu tuona tundikoa, bi dini o li báli ke o tua, ku koanbadiegu tuona kpaagibandima leni a coala tuona (DESESI) yudaano;
- Sakaliya **SAWADOGO**, joa, o lanba li tuonli nni tie **97 485 J**, o tie ti lotodieciandi leni a lotola tuona gobikoa, bi dini o li báli ke o tua Pala lotodieciangu saliwudo leni u loagu tuona Liigiyua

III.2. BAN DINI YAABA A BÁLA A TUONSOANJAANA YELI PÒ

A Koanbála táanli baa ban dini yaaba a bála a tuonjaana tuona gobidima pò:

- A tisoankaana tuonsoandiegu (LA POSITI) pò yaa koanbadiegu n diidi enterineti, a tisoankaana tuonsoandiedi leni tankalafo tuona kani;

- mi diema nni mi bandima buoli findima cagily pò, yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona kani.

A. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA KANI

A Koanbála táanli táá **masienkaama tili yenli** ki dini li báli yaa niba n tie ne ke bi tua Gobidikaaba a tisoankaana tuonsoandiegu (LA POSITI) tuona boginma cagili kani li bakpiali pò bina taa (03) nni.

Ku Cicikoanbadiegu kani:

- **TOWE** pua Wendemi Polini **SABA**, o lanba li tuonli nni tie **104 288 G**, o tie Bàaló ligi tuonsoandiedi tuona gobidikoa.

Yaa koanbadiegu n die ti diema tinbuona gobidima leni a sancena tuona kani:

- O joa Adama **WATARA**, o lanba li tuonli nni tie **247 522 D**, o tie a tinbuona tuona gobidikoa, ki gaa o joa Edigari Sié SU kaanu ;
- O pua Béninwendé Léya Moniki **WEDIRAWOGO**, o lanba li tuonli nni tie **326 917 L**, o tie u cogu tuona boginma tuonsoanlo, o gáa o joa Lasina NIANBA kaanu.

B.YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA

A Koanbála táanli táá masienkaama tili ki dini li báli o joa Tobiginaré Jaka **GUBA**, o lanba li tuonli nni tie **200 455 P**, o tie diema leni mi yama danligu tuona bando tundikoa, o tua a tinbuona tuona gobidikoa, yaa koanbadiegu n die ti diema leni dietoama siiga tuginma, ti diema leni i niboandogi juogu leni ti diema niba yaaba n ye dietoama nni máama yeli nni, mi diema nni mi bandima buoli findima cagili (APEN) kani, li bakpiali pò bina taa (03) nni, ki gáa o pua Inesi BAKIYO kaanu.

Gufenema Masoagindo



www.sig.gov.bf

Le Porte-parole du Gouvernement,



Pingdwendé Gilbert OUEDRAOGO
Chevalier de l'Ordre de l'Étalon

Pengidiwende Silibeedi WEDIRAWOGO
O baa Bàaló jaandi leni Tanjoa maalima